

Termet e Referencës

Organizata	HANDIKOS (Shoqata e Paraplegjikëve dhe e Paralizës së Fëmijëve të Kosovës)
Qëllimi i Angazhimit	Analizimi i situatës së dhunës në familje ndaj fëmijëve me aftësi të kufizuara dhe zhvillimi i një raporti me gjetjet kryesore dhe rekomandimet përkatëse.
Tipi	Individuale
Lokacioni	Prishtinë, Kosovë
Kohëzgjatja	Tetor-Nëntor 2020
Data e pritshme e fillimit	Java e fundit e Tetorit 2020

HANDIKOS

HANDIKOS, organizatë jo qeveritare, e themeluar më 1983 me objektivin kryesor për të arritur njohjen dhe pjesëmarrjen e plotë të personave me aftësi të kufizuara në shoqëri. HANDIKOS aktivisht lobon për dhe mbron në nivel lokal dhe qendror të drejtat e personave me aftësi të kufizuara me dhe për personat me aftësi të kufizuara në Kosovë. Përgjatë gjithë përvojës së saj, HANDIKOS ka përfaqësuar dhe adresuar nevojat e fëmijëve dhe të rriturve me aftësi të kufizuara përmes ofrimit të shërbimeve rehabilituese fizikale dhe atyre psiko-sociale, për më tepër përmes ofrimit të pajisjeve ndihmëse për ata në nevojë. HANDIKOS vazhdon të punoj me dhe për personat me aftësi të kufizuara, duke ngritur kapacitetet e anëtarëve të saj në fusha të ndryshëm të cilat shpjen drejt jetesës së pavarur.

HANDIKOS që nga viti 2017 është duke implementuar projektin “Promovimi i parandalimit të dhunës në të gjitha mjediset ndaj fëmijëve me aftësi të kufizuara në Kosovë” në partneritet me Save the Children, zyra në Kosovë dhe me financim të SIDA, me qëllim të kontribimit të ndërtimit të një ambienti më të sigurt dhe gjithëpërfshirës për fëmijët me aftësi të kufizuara në Kosovë.

Përmirësimi i cilësisë së politikave dhe praktikave të sistemeve gjithëpërfshirëse të mbrojtjes së fëmijëve dhe rritja e vetëdijes dhe bashkëveprimit ndër-sektorial ndërmjet komunitetit dhe ofruesve të shërbimeve për të parandaluar dhe përgjigjur rasteve të dhunës në të gjitha mjediset në Kosovë; dhe Promovimi i përgjegjësisë sociale e orientuar tek fëmijët si dhe pjesëmarrja e fëmijëve për përmirësimin e gjithëpërfshirjes së fëmijëve me aftësi të kufizuara si dhe në ofrimin e shërbimeve profesionale dhe adekuate për ta, janë dy objektivat kryesore në kuadër të këtij projekti.

Qëllimi i përgjithshëm i konsulencës

Si organizatë që punon në përkrahje të personave me aftësi të kufizuara, HANDIKOS synon garantimin e të drejtave të fëmijëve me aftësi të kufizuara, ndër të tjera edhe mbrojtjen e tyre nga dhuna dhe çdo formë e abuzimit, si një e drejtë themelore. Që nga viti 2017, në kuadër të

projektit “Promovimi i parandalimit të dhunës ndaj fëmijëve me aftësi të kufizuara në çdo mjedis” HANDIKOS punon ngushtë me të gjithë akterët relevant në ngritjen e vetëdijes dhe krijimin e ambienteve të sigurta dhe pa ndëshkim trupor për fëmijët me aftësi të kufizuara.

Në kuadër të bashkëpunimit me akterët përgjegjës në mbrojtjen e fëmijëve, është inicuar edhe përdorimi i databazës së disagreguar, me qëllim të identifikimit të rasteve të dhunës ndaj fëmijëve me aftësi të kufizuara specifikuara.

Tani, me qëllim që të kuptohet situata e fëmijëve me aftësi të kufizuara të përfshirë në dhunë në familje, HANDIKOS po kërkon një ekspert/kompani i/e cili/a do jetë përgjegjës/e për realizimin e një hulumtimi për dhunën ndaj fëmijëve me aftësi të kufizuara, duke u bazuar në të dhënat e siguruar nga databaza e disagreguar dhe jo vetëm, me theks të vecantë në komunat: Prishtinë, Ferizaj, Gjakovë, Mitrovicë.

Rrjedhimisht, në kuadër të kësaj konsulence do përpilohet një raport i cili do pasqyroj situatën e fëmijëve me aftësi të kufizuara të përfshirë në dhunë në familje, si dhe do ofrohen rekomandime përkatëse lidhur me përdorimin e databazës së disagreguar, raportimin e dhunës si dhe përmirësimin e situatës së fëmijëve me aftësi të kufizuara të prekur nga dhuna në familje.

Detyrat dhe përgjegjësitë:

- Analizimi i materialeve ekzistuese (Tetor 2020)
- Realizimi i hulumtimit në terren (Nëntor 2020)
- Përgatitja e raportit me gjetjet kryesore dhe rekomandime (Nëntor 2020)

Kohëzgjatja dhe pritjet

Konsulenca është planifikuar të fillojë më 27 Tetor 2020 deri në 31 Nëntor 2020 me një angazhim prej pesë (5) ditë pune.

Pagesa

Pagesa për konsulentin / grupin e konsulentëve do të bëhet sipas përfundimit të përgjegjësiave të kontraktuara;

- 50% e pagesës do ekzekutohet pas dorëzimit të draftit të parë të raportit;
- 50% e pagesës do ekzekutohet pas dorëzimit të draftit final të raportit.

Kualifikimet dhe eksperiencia

Eksperti/kompania duhet të ketë:

- Diplomë Universitare në shkencë sociale, juridik apo fushë të ngjashme (e preferuar);
- Përvojë paraprake në realizimin e hulumtimeve me tematikë të ngjashme;
- Njohuri dhe përvojë në fushën e të drejtave të fëmijëve;
- Njohuri mbi mekanizmat e mbrojtjes së fëmijëve nga dhuna në familje;
- Njohuri të çështjes së aftësisë së kufizuar në kontekstin vendor;
- Shkathësi të larta hulumtuese në identifikimin e praktikave/modeleve të cilat përdoren në rajon dhe botë në këtë fushë;
- Shkathësi ndër personale dhe të komunikimit;
- Ndjeshmëri ndaj kontekstit dhe situatave të ndryshme me qasje të hapur ndaj diversitetit;

Aplikuesit duhet të dorëzojnë

- Një draft propozim mbi metodologjinë e punës për këtë angazhim, përfshirë planifikimin e procesit të zhvillimit të dokumenteve përkatëse dhe koston financiare të kalkuluar për ditët e angazhimit;
- Një letër interesi që paraqet arsyet që ai/ajo është i/e përshtatshëm dhe ka njohuri dhe eksperiencë në fusha të ngjashme;
- Curriculum Vitae (CV);

Procedurat e aplikimit dhe selektimi

Aplikacionet duhet të dorëzohen në formë elektronike në handikos@handi-kos.org / durim.gashi@handi-kos.org me subjektin *HK_Mbiemri_002*. Afati i fundit për dorëzimin e aplikacionit është 23/10/2020 23:59h.

Konsulenti / kompania do të përzgjidhet bazuar në përvojën paraprake relevante me fushën, aftësitë individuale dhe argumentuese për pozitën në fjalë, metodologjinë e propozuar si dhe arsyeshmërinë financiare.

Vetëm kandidatët e listës së ngushtë do të kontaktohen. Gjatë gjithë procesit nuk ofrohen informata me telefon.

HANDIKOS është e përkushtuar në promovim të diversitetit. Personat me aftësi të kufizuara; Rom apo minoritete etnike apo religjioze të tjera, si dhe personat me HIV inkurajohen të aplikojnë.